



Broj/Број: 04/5-50-15-134-1/11
Sarajevo/Сарајево, 02. 06. 2011. godine

INFORMACIJA

sa Proljetnog zasjedanja Parlamentarne skupštine NATO-a,
održanog u Varni, od 27.-30.05. 2011.

U radu Proljetnog zasjedanja Parlamentarne skupštine NATO-a, održanog u Varni, od 27.5. do 30.5. 2011. godine, učestvovao je: Milorad Živković, predsjedavajući Delegacije Parlamentarne skupštine

27. 05. 2011. godine

Održan je sastanak sekretara Delegacija. Sastanak je održan sa sljedećim dnevnim redom:

1. Upoznavanje sa planom rada Proljetne konferencije NATO PS,
2. Informacija o rezultatima sastanka sekretara Delegacija koji je održan u Azoresu, Portugal 1. 4. 2011. godine
3. Informacija o pripremljenim materijalima za potrebe održavanja Proljetne konferencije,
4. Informacija o rasporedu rada Komiteta,
5. Priprema za održavanje sastanaka i konferencija NATO PS u 2011. godini
 - Godišnja Konferencija NATO PS, Bukurest, Rumunija, 07-10. oktobar 2011.godine,
 - Sastanci tokom 2012., 2013. i 2014. godine
6. Saradnja između Delegacija i Međunarodnog Sekretarijata.

U popodnevnim satima je održan i sastanak sa Sifetom Podžićem, ambasadorom Bosne i Hercegovine u R Bugarskoj tokom kojeg je amb.Podzic upoznao gosp. Živkovicu sa aktivnostima Ambassade BiH u R Bugarskoj. Predsjedavajući Delegacije upoznat je sa rasporedom rada Proljetne konferencije i zaključcima sa sastanka sekretara Delegacija.

28.05 2011. godine

Rad Proljetnog zasjedanja NATO PS se odvijao prema ponuđenom planu. Prije početka rada Komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na pomenutim sastancima su razmijenjena mišljenja o temama koje su predviđene za raspravu tokom Konferencije.

Održani su sastanci Komiteta:

- Komitet za nauku i tehnologiju,
- Komitet za politička pitanja,
- Komitet za ekonomska i sigurnosna pitanja
-
- **Komitet za ekonomska i sigurnosna pitanja,**

U radu Komiteta su učestvovao je Milorad Živković.
Radom Komiteta je predsjedavao Hugh Bayley, predsjedavajući, UK.

Tokom rada Komiteta održane su prezentacije o temama:

- Socijalna i ekonomska situacija na u zemljama Bliskog i Srednjeg Istoka i arapskom svijetu u svjetlu događanja u Egiptu i Libiji, Bichara Khader, direktor studija i centra za istraživanje Arapskog svijeta, Belgija
- Građenje integriteta u NATO odbrambenoj inicijativi i ekonomske implikacije, Avgustina Tzvetkova, zamjenik ministra odbrane R Bugarske
- Izvještaj o aktivnostima Podkomiteta za Transatlanske ekonomske odnose i planovi za budućnost, Leon Benoit, Kanada, predsjedavajući Podkomiteta
- Izvještaj o aktivnostima Podkomiteta za ekonomsku saradnju Istok-Zapad, Petras Austrevicious, Litvanija, predsjedavajući Podkomiteta
- Ekonomije zemalja Balkana: regionalni putevi blokade, evropske destrukcije i globalna kriza, John Sewel, UK
- Prijedlog Nacrta izvještaja Podkomiteta za Transatlanske odnose o temi: „Kako razviti povoljniju radnu atmosferu u Avganistanu: aktivnosti međunarodne zajednice u izgradnji funkcionalnog društva i ekonomije“, Jeppe Kofod, Kraljevina Danska
-

Poseban interes je bio posvećen raspravi oko trenutnog ekonomskog stanja i finansijske krize u Grčkoj. Konstatovano je da je to veliki udarac kako evropskoj tako i svjetskoj ekonomiji. Nije dobro što je sve došlo na vidjelo preko noći. Vlasti Grčke su očito prešutile stanje koje je prethodilo teškom finansijskom udarcu za euro zonu.

Konstatovano je da se Grčka ne smije ponoviti nikome te da sve zemlje moraju izvući pouku iz svega što se desilo Grčkoj.

Tokom prezentacije ekonomskog stanja u Latviji istaknuto je da ima problema, ali nema mjesta panici. Latvija izlazi iz ekonomske krize i ključnim uzrocima recesije se stalo u kraj snažnim i odlučnim mjerama vlade. Latvija je izlaz iz krize tražila u svojim resursima i mogućnostima. Nisu ugrožena vitalne ekonomske poluge i Latvija je u svom izlazu iz krize imala pomoć zemalja koje su uložile veliki kapital i sredstva u njenu privredu u zadnjih 20 godina. Shvatile su ozbiljnost vladinih mjera i izlaz iz problema se našao.

U svjetlu razmatranja globalnih ekonomskih problema najviše se govorilo o tzv. "grčkom sindromu" gdje su tražene oštre i odlučne mjere u kontroli nacionalnih ekonomskih tokova. Prikriivanje stvarnog stanja će se osvetiti svim onim koji misle da će ikada više biti tako jake solidarnosti kako se desilo u slučaju Grčke.

29. 05. 2011. godine

Održani su sastanci Komiteta na kojima su članovi Delegacije PS BiH uzeli učešće:

- Komitet za nauku i tehnologiju
- Komitet za odbranu i sigurnost

Komitet za nauku i tehnologiju

U radu Komiteta učestvovao je gosp. Milorad Živković
Radom Komiteta predsjedavao je Jan Arild Ellingsen, predsjedavajući Komiteta za nauku i tehnologiju.

Tokom rada Komiteta prezentirane su sljedeće teme:

- Energetska sigurnost i perspektive R Bugarske, Traycho Traykov, Ministar ekonomije, energije i turizma u Vladi R Bugarske

- Uračunljivost avganistanskih pobunjenika: nizak tehnički postupak, velike tehničke mogućnosti, Pierre Claude Nolin, specijalni izvjestilac
- Sigurnost vode i hrane: posljedice po Evro-atlansku sigurnost, specijalni izvjestilac Philippe Vitel, prezentacija Joachim von Braun, profesor ekonomije i tehnologije
- Tretiranje bioloških i kemijskih problema: pogled unaprijed, David Scott, USA, specijalni izvjestilac
- Nuklearna energija poslije događaja u Fokusimi, William C. Ramsey, direktor programa energije IFRI
-

30.05.2011. godine

Održan je sastanak Stalnog komiteta na kome je sumirana rasprava o prijedlogu rezolucija i deklaracija Konferencije.

Održana je plenarna sjednica NATO PS.

Plenarnoj sjednici je prisustvovala Delegacija PS BiH u NATO PS, Tokom plenarnog zasjedanja izlaganje su imali:

- gospođa Tsetska Tsacheva, predsjednica Parlamenta R Bugarske
- gospodin Karl A. Lamers, predsjedavajući NATO PS,
- gospodin Boyko Borissov, Premijer R Bugarske
- admiral Samuel Lockear III Egon Ramms, komandant Zajedničkih snaga iz Komande NATO u Napulju
- gospodin Masataka Suzuki, specijalni savjetnik premijera Japana.
- gospodin Anders Fogh Rasmussen, generalni sekretar NATO i Predsjedavajući Sjeverno – atlanskog Vijeća,

Zvaničnici Republike Bugarske su u svojim izlaganjima naglasili svoju privrženost NATO. Snažno su podržali raspravu o Novom NATO strateškom konceptu te o daljem učešću u NATO misiji ISAF. Generalni sekretar Rasmussen je u svom izlaganju naglasio top prioritete NATO gdje je posebno značajan dalji i još efektivniji nastavak ISAF misije, zajedničko i sinhronizirano djelovanje NATO i EU, još bolja saradnja sa Ruskom federacijom.

Govorio je i nužnosti saradnje NATO sa Pakistanom, razvijanjem dijaloga sa Kinom i Indijom te Novom strateškom NATO konceptu gdje je jako bitno razvijati međusobnu saradnju i dijalog u stvaranju boljeg sigurnosnog okruženja.

Nakon obraćanja na Proljetnom zasjedanju gospodin Rasmussen je odgovarao na pitanja učesnika Konferencije.

U razgovor i diskusiju uključili su se i stalni ambasadori članica NATO gdje se pored ostalog razgovaralo kako unaprijediti odnose NATO sa Rusijom, kako misiju ISAF u Avganistanu učiniti djelotvornijom te kako rješavati postojeće probleme kroz dalju transformaciju NATO.

Učesnicima skupa obratio se i Masataka Suzuki, specijalni savjetnik japanskog premijera koji je govorio o posljedicama katastrofe koja je zadesila Japan.

Izvjestaj sačinio
Željko Grubešić

PREDSJEDAVAJUĆI DELEGACIJE
dr. Milorad Živković

Dostaviti:

- Kolegiju Doma naroda
- Kolegiju Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za vanjske poslove Predstavničkog doma
- Kolegiju Sekretarijata
- Kopija: Ministarstvu vanjskih poslova BiH